




聖經





傅忠肅公文集序



二帝三王時人才多出於國子蓋其見聞積習作成有素非如  
 民必俟族黨州鄉賓興之然後用也觀舜命夔典樂教胄子曰直  
 而溫寬而栗剛而無虐簡而無傲及命契為司徒教民則教敷五  
 典在寬而已周官大司樂以樂德教國子曰中和祇庸孝友及司  
 徒以三物教萬民則置禮樂於六德六行之後其視成材詳畧次  
 第固有別矣夫子不云乎興于詩立于禮成于樂學至於樂則美  
 精仁熟和順于道德而性成焉故以之事親必孝事君必忠臨大  
 節必不可奪文其餘力也晉唐以來各學與監置祭酒若司業皆  
 冠以國子亦古之遺意歟本朝世臣巨室前後相望在仁宗時有  
 若獻簡傅公諱堯俞未冠以進士起家平居號稱長者及事四朝



屢歷言路忘身殉國有不可奪之節遭時遇主致位二府生都美  
譽沒保令名遂為大家其從孫忠肅公諱祭年十有八復踐世科  
宣和末以吏部郎假宗正廷勞全國賀正使行及境上會燕交  
兵戎勸其歸公不可猝遇翰離不強公使拜公又不可竟握節死  
之詔贈徽猷閣待制乾道中追賜今謚其諸子皆以問學才猷翺  
翔仕塗至孫伯壽文采益高方以直煥重閣按刑畿部興念前烈  
既編定獻簡公草堂集又覓公遺藁成三卷將傳布四方屬必大  
序其首惟公文務體要辭約而理盡甚類獻簡詩尤溫純該貫間  
次韻愈多而愈工惜乎享年纔三十有七名宦未達高文大冊無  
自而發其淵源則可考矣竊嘗論之獻簡幸生太平無事時止於  
正言不諱是以為宋良臣公則不幸將命艱難之際伏節死難遂

在忠臣之目要之忠孝大節易地則皆然特所遇不同耳故為推  
本帝王之教以及本朝之盛使學士大夫知公世濟其美不隕其  
名者如此



傅忠肅公文集卷上

詩  
頌表附

用蕙夫韻招諸友登清微

束帶縛吏事發狂中憤興世情多面朋  
嚼水惡背憎緬懷教君子  
皎：瑩壺水披雲見顏色翠光露峰稜  
忘形到坦率高論破炎蒸  
藹然嘉譽在映我独無稱文場屢交  
鏘師老畏侵陵况復時雨過  
綠苗覆千塍便當共臨眺此興那可  
勝孤亭枕席佳下有寒潭澄  
仰看霞綺散坐待月華升嘲詠縱歡  
譔明朝期再登

蕙夫有會當歸去來之句復次前韻

少小尚奇偉長年病莫興折腰仕五斗  
詎敢論好憎居然畏罪苦  
局如履春冰每懷鷹隼翮  
轉上看鋒稜追隨縉紳後  
糠覈雜肴蒸





泮宮天下士藉甚得儒稱  
魏：衆峰上跛足豈易凌  
朝廷重荐延  
拔茅餘空騰公孫富經術  
非子誰能勝生見萬頃波  
颯生及逾澄  
沛然下膏澤  
蕭若朝雲升  
勿云歡留滯  
青史他年登

次韻庶夫登清微二首

竭舍不容膝  
煩鼓局寢興  
豈惟倦束帶  
締絡猶云憎  
清微跨城角  
宰兀疑凝冰  
溪池暮黯黯  
遠岫朝稜稜  
徃歲與申子  
賓朋日雲蒸  
遂令棟宇陋  
顏跣流名稱  
先生今詩伯  
氣欲青雲凌  
鏘然出佳句  
拂蘭布畦塍  
邀我避暑游  
竟重愧難勝  
何

非神明自清澄  
嗟

彼浮名者此亭豈易升  
知淵恐時掛衣請先登

大火氣方熾  
新金伏未興  
茅屋苦卑陋  
蘊毒空自憎  
流汗常被休  
滌煩屢飲冰  
那堪青蠅輩  
鼓翅作威稜  
薰風燥炎日  
淋漓助新蒸

每思謀爽塏  
地隘舊無稱  
高亭枕城隈  
粉堞勢騰凌  
清水繞其足  
茂林瞰田塍  
此間有異趣  
躋攀弗能勝  
佳招適我願  
坐覺神魂澄  
何當卜鄰舍  
與子朝夕升  
飄然忘世界  
長嘯效孫登

次韻祝庶夫登南樓

膏雨潤四野草木蘇  
中軋駕言共臨眺  
凌雲陟層盤  
華宇蔭曦日  
馮暑隨風闌  
清談無倍好  
茶果有餘歡  
撥置薄領煩  
憇此簟席安  
悠然得佳趣  
可以寄簪冠  
耳目去局促  
心體自廣腴  
何如斂手版  
觸熱事上官  
晚來織葛霽  
矯首欣遐觀  
一鳥沒天外  
千林杳雲端  
西山有爽氣  
淺綠浮巔岼  
翻疑圖畫裏  
未覺雲夢寬  
蕭林閣蟬  
已如烟  
暮寒直恐霜露至  
歸歛可忘餐



昔我在淇水二陸皆少年伯也氣軒昂丹鶴渡青田李方文章士  
摘華桃李妍力學乃未已有如火始燃相見一傾蓋便誦膠漆堅  
笑語王塵折登臨蠟屐穿時出秀句灑若沉痾痊尔未踰十歲  
自當冠貂蟬胡為茅屋下寂寞尚草玄方今明堂高宗廟諱收拾棟與  
椽安得刷羽翮吹噓送上天此志僕夫遂何用空言傳不如李翰  
林沉醉自稱仙不如陶彭澤歸來謝塵緣但解琴中趣何妨甕下  
眠富貴少頭露名譽空中煙子意竟何如余心方竚然願求真實  
語莫作猾頭禪

夏日登清微亭

永日留煩暑斯樓得屢登向來如異境高處若無憑遠岫生雲直  
輕風蹙浪屢試承金掌露更接玉壺冰抵掌賓朋感題詩氣象增

望窮遺恨在我欲醉時升

清微亭分韻得空字

縹緲千層外紫紆一徑通飛甍明落日巨棟掛斜虹賞眺資公退  
招邀得調同九天開浩蕩萬象入牢籠水色連暗碧雲容借晚空  
清乘庾公興快揖楚王風升側金壘倒樓昏畫角終明朝車馬客  
陟覺厭塵紅

大暑同將明亞叟照載夜清微亭

土潤伏新金陽歇困亭午曦御駐征駟朱光徹厚土鳥雀噪塔除  
蛙蚓鳴中奔薄領抗塵容茅簷茫環堵蜂蠆亂蠅床蚊蟲隱雷鼓  
撥拂徒爾為青蠅敢予悔避宣室百慮對食但三吐舉筴未搖風  
揮汗已成雨那能整冠巾誰復對賓主豈唯眩生花生竟氣如綫



南方有高楼兀然蔽華宇  
樞衣倦躋攀策杖愁偃僕  
俄頃叩雲端飄蕭開洞府  
新涼颯尔来日暑脱然愈  
清池涌波瀾踈星穿牖戶  
夜氣襲冰霜月明擊珪珎  
鳥鵲倦還飛遊魚清可數  
瓊菓走全盛清談揮玉塵  
群籟止翳、幽夢方栩栩、  
何當食瓊漿一夕生毛羽  
夜登清微亭雲陰掩翳東  
北有雨少頃月出皎然復  
次前韻融、暑未闌悄悄、  
夜方午命駕聊叩門尋幽  
得茲土俯眈但蒼茫前瞻  
何南奔萬籟止虛無群生  
各安堵蟬噪雜笙簧蛙鳴  
當鐘鼓鳧鷖政參差詠諧  
悞狎侮豈唯冠蓋傾已覺  
肝膽吐生久隱奔雷天邊  
垂霖雨踈木列賓朋眾峰  
自臣主螢火落明星如炬  
裊青縷那敢許酒杯所欣  
贈德宇高歌屢激昂失喜  
或俛俛蕭颯濯塵襟清虛  
湛灵府快如仙瓜爬洒若  
頭風愈須臾出金盤照曜  
闕玉戶

映浪雜瓊瑰穿簾間壁珎  
斯遊豈前謀後會難逆數  
歡餘岸綸中語約揮松塵  
可欣伴雞棲亦復隨蝶翅  
廣寒會可升試為刷翎羽

次鼎之道韻

翰林詩百篇發具自斗酒  
同遊八仙中化者顏已厚  
邇來數百年斯人那復有  
風流城東鼎四海蔚稱首  
之子乃其豪異代得家友  
滿腹貯詩書妙意寓醪酎  
政使譽日新位卑未為醜  
亭、澗底松不如園中柳  
芝菌冠衆芳其出木枯朽  
叫閭閻大鈞得致吾側否

送承祖赴定州幕府

中山控北陸強弩彌百萬  
單于啣國息方且事迺適  
謀帥得真儒不煩一戟頓  
風流本江左壘、有餘論  
幕府極妙選參謀不容遜  
藉甚丞相孫凌雲氣豪健  
所懷社稷計嘗願竊有獻  
贈登三十年



羈旅頗日困因人作遠遊實亦乘素願談咲青油幕聊復可排悶  
嗟余謬水學塵根苦遲鈍一官聯事久矜式每日勸但竟有不如  
未見有進寸公亦不吾厭叩擊愧煩濶念當為遠別悵然亦多恨  
時方苦炎蒸行矣靳強飯

伯時往河東戲與廉夫分韻道相思之意三首

日月劇跳丸暫別亦已久青山綠層巖道里阻且右今晨登南樓  
會此同志友思公昨北望竚立但搔首秋風八月天霽色明朝曠  
軒車來何時遲尔一杯酒朝氛霽西山晚日明鬢鬢遙憐太行上  
陟嶽眩可畏王侯眇小夫中盤凌雲氣端如車公賢談笑出真琲  
朝為父倚樞使我重吁鄰王事有程期夾歸恨其未之子何處落  
本是青雲才委翅蓬蒿下顰面垂髮鬢一鄰與我遊肝胆向人開

酒酣遺世界詭浪絕嫌猜西風換煩燠四野無纖埃方嘗共臨眺  
公兮胡不來

題毛彥謨容膝軒

夫子負異才端若會稽奇平生懷別腸於世少許可文詞類激昂  
議論耻媿嬰高名三十年坐此常坎軻同時英俊流往往步青瑣  
歸來樂簞瓢琳宮得安坐小軒僅容膝陋巷生堦堞唯餘豪俠氣  
屢折每不挫却眠利名場終身繫韉鎖生雜華屋居死或翳蓬顆  
固知宇宙間所有終非我但當清吾心餘事等公麼

次七兄韻

蝸舍席為閒清風無所扇閑視終年尋起行空百轉對食不下喉  
流汗常被面矧復鳧鷖行插尾抱大卷余方有公事汝輩宜嚴遣



賴此伯仲賢縱談逞雄辯時、雜博奕豈不賢遊燕呼奴取其未  
掘榻聊一戰初如兩軍交整陣咸伺使俄頃鋒刃集解紛在一箭  
戎喜而拊掌戎駭而色變成旁睨而審戎當局而眩利、伐木去  
離、衆星見勝負既已分反奄若收電却尋文字觀觸物本無戀  
覓句屢吟哦誦詩乍遊衍百讀勿相聞從渠書我毀

晚登清微亭次祝教授韻

雉堞亭、倚翠微高樓裏、弄清暉共邀嘉客扶筇杖驟喜涼風  
振羽衣過雨山川顏色好投林鳥雀噪聲稀月搖翠浪明珠碎雲  
滿金波破鏡飛雄辯琅、如落屑新詩句、似連環自憐性僻耽  
幽寂却恨奴、便賦歸

送朱照載改官還鄉

陶唐名臣有朱虎揖遜夔夷尊文祖後來傑出漢雲孫折檻當時  
誰敢侮煌、聖代見斯人凜、遺風振千古乘牛不數魯家俠衣  
錦何妨買臣簞十年牢落困膠庠五斗栖遲尚環堵唯餘豪氣自  
不除傾蓋向人肝胆吐忽然結束事征鞍軒、喜色浮眉宇謂予  
倚門親父待况復楓宸拜明主朝廷公卿重薦延騫騰一鷄生毛  
羽高義如君世所稀早擬要路思裨補

芝堂

弘度負土志晨夕空腸未忍進一溢伯曾隆冬不衣帛野火燎原  
天雨澤當時廬側產靈芝盛事至今光史冊王家兄弟皆英豪藉  
藉聲華若連壁高文奧學乃餘事一門躬行如萬石孝思他日徹  
蒼昊血淚垂頰麗枯柏誰云草木但有生始信幽明本無隔煌、



三秀發坤祥，小大高低紫。與白措紳駭，嘆絕前聞老。稚提携，溢阡陌。爭言圖爲獻，修門生見息。榮來絡繹公，獨掩身更悲。啼吾忍，貨名于寔安。豈如採摘付兒童，大勝羸金滿千鎰。方當考治軼唐虞，八行求賢常側席。公雖韞匱畏人知，定有新詩振奇蹟。

雪九首

都城十日雪，庭戶浩已盈。呼兒試輕掃，留伴小兒明。天公亦戲人，奇幻驚倏忽。朝來蒼雷問一、級，明月晚風掃。連氛客被憎，夜峭明朝赴。青燭更把崑山照，高堂連夜賞。蛾眉映珠櫳，誰憐閉門客。衣穿履亦空，黑雲埋日車。厚雪鎮坤軸，行路勿、勿。包藏恐溪谷，忽驚陋巷間。踏作瓊瑤迹，生聞郢中歌。妙句壓元白，春雷忽隱、春雪復紛、。農夫戒及澤，荷鋤已成雲。散監乍可擬，刻楮竟難成。

研辭觀天巧，應復召郡生。盈尺兆嘉祥，三登賀太平。我雖無寸田，一飯猶足賴。

次韻杜無逸西園獨坐九絕句

南浦送微波，西山來遠綠。日暮盤旋慨，焉撫孤竹前。草不可見，古道邈難尋。何時赤松子，相與歸山陰。折腰爲五斗，我已愧淵明。共赴東林約，悵然懷友生。虛齋篆炉烟，兀然得禪寂。雖有錦繡腸，盡餅安可食。亭、澗底松幹凌雲霜，孤既無鷲鳳，翔鳥雀來喧呼。一世競榮利，紛若空中花。蚤作田園計，人生會有涯。身遊阡陌間，心在孤雲杪。譬如登太山，頗覺天下小。外慕亦無已，反身良有餘。乘流如何逝，韞匱豈藏諸。聖德覆天下，歡然萬物春。北窓微笑傲，似是羲皇人。



題張季良適性齋

楊雄家無甌石儲閉門作賦擬相如鄴侯棟架多異書牙籤萬軸  
吞石渠吾友張子斯人徒嗜好醖酸與衆殊被褐懷賢老不癯收  
拾萬卷以自娛但願生為蠹書魚咀嚼英華味道腴揮毫落紙驚  
群儒佳處往！凌子虛網羅秦漢包唐虞上下千載歸招呼自言  
此樂世所無不羨潭、鄉相居方今清廟收璫璣肯使滄海遺明  
珠高名他日播天衢行者旌帛來庭除

任伯仲時德升用均父韻送德父守葛川邀余同賦

妙齡擢秀如黃童藉甚詞林振古風瀾翻千載常在口磊落萬卷  
獨蟠胸不將毫筮論從逆獨向詩書有高識琳宮乞得十年閑可  
但新詩勝疇昔一麾自詭治東萊洗眼看公手童拭疲氓按諸身

暫休黠吏垂頭聲不出人言功效真卓尔埽近高堂渾舍喜：公  
才氣更難量致君要著若廊裏秋雲漠、向空飛颯、涼風生桂  
枝馬蹄又踏東州去盤水洋、可樂飢我今作吏愧無補夢寐林  
泉那得歸會抽手版付丞相却掃庭闈戲綵衣卜鄰僅許依仁里  
與子艱難共生死釣竿伴我訪滄溟沮洳定無三尺鯉

送傅倅

洛之水兮其流舒、公之來兮朱服熊車士元展驥仲舉題輿公  
之來兮民斯樂胥洛之水兮其流洋、公之化兮春雨秋陽袴襦  
頌洽禾黍歲穰公之化兮民斯悅康洛之水兮其流游、公之去  
兮旌旂旖旎父老攀轅播紳方執公之去兮瞻望徒倚洛之水兮  
其流洩、公之德兮此邦所偈吏遵其畫人懷其惠公之德兮久



而弗替浴之水兮其流活、公之名兮茲其弥達翔于朝著騫于  
省闈公之名兮莫我敢過

贈朱令中泮宮二首

折桂陪英彥彈冠接采僚志連春鏘固論鄙楚師恍逸驥終難繫  
翔鷲詎可邀緬懷巖下士猶得夢中宵翼時師盛德此地喜同僚  
天壁完無玷和鍾小不忮樽壘傾笑語車馬費招邀莫使光陰度  
從今使卜宵

余父子妻子各在一方欲歸未得因感成詩

皎、明河漢悠、度女牛奔馳空歲月南北尚淹留所願各千里  
此身兼百憂如何有羽翼來往亦遨遊

思婦

舊國日已遠東秦安在哉水雲波浩蕩林日影摧頽野色撩詩興  
秋風動旅懷繫舟還信步不覺詠歸來

阻風次衡元度韻

水柳纜孤舟飄、萬里秋遠風來不斷高浪去難收菰葦蕭疎折  
烟雲慘淡浮賴知師德在舟子亦多愁

逍遙堂五詠

欲識逍遙樂都忘利與名討論唯百氏來往有諸卿靜覺羊腸險  
閑看蝸角爭超然劣妙理知不愧莊生  
堂上春風至欣、中木情鷗鳴藏柳暗蝶舞映花明暖日遲、景  
輕雷隱、去客來何所有采薇試新烹

又次申教授直宿三首



皎、虛堂帶月清金風入律露華明  
潘郎遇直生秋興韓子長歌  
憶短檠驚鵲逸枝巢未隱  
幽虫尋砌隱餘聲却嫌詩思  
撩歸夢教盡高城長短更

擾、浮名絆此生相逢樽酒眼還明  
君如俊鶻方搏翮我似羸弓  
不受蘇弱植幸容依玉樹新詩  
嘗喜擲金声他時會致青雲上  
莫厭卑棲歲屢更

秋堂襟袖有餘清驟喜秋光發  
眼明簾外月華篩碎玉林頭螢火  
當長檠直嫌唧唧秋虫響位聽琅  
玕絃誦声善教尚煩留滯席朝  
恩未許便歸更

吏隱亭會集

招携共到習家池雲水為裳  
芰製衣魚戲輕舸浮枕簟鷗  
隨落日

下汀磯岸巾已得杯中趣橫吹如  
從天外飛野性每來應未厭驪  
駒寧復賦言歸

尉治吏隱亭三首

公餘吏隱新亭野閣雲低疊素屏  
風動荷圓翻偃蓋日搖波影  
散疎星望窮南畝千重綠坐久  
西山數點青更待晚涼蟬乱噪與  
君散策試同聽

一番新雨洗華亭四面晴天倚翠屏  
並秀採蓮舒嫩臉孤飛白鷺  
帶殘星披襟驟覺登仙樂倚檻猶  
疑倒影青橫笛晚来声更好龍吟  
泓下亦時聽

堂上薰風至陽曦午更驕  
翫陰欣葉密引飲快冰消  
乳燕飛還墜鳴蟬咽復調  
清談能却暑應不厭招邀  
堂上西風至郊原歲事成



雨餘虹影落雲霽露華清唧唧蛩鳴夜飄飄鴈渡晴登臨多物色  
筆落競縱橫堂上春風至蕭條靜物華映窓唯有竹倚檻更無  
花碧瓦霜初重銅壺日易斜罇壘延夜永不覺已朝霞

十五伯以詩見贈因次韻為謝

蕭然顏巷復誰堪竟日潛心到五三載酒未妨從靖節園基端不  
羨羊曇逢人傾倒群兒咲落筆縱橫四座慙舊學青箱知未替更  
將新律付諸男

次韻申泮宮直宿早秋四首

新秋爽氣溢長空絃誦低昂月映攏濟青衿成暮變泮泮水  
詠沫風群儒篆刻空章句百氏紛紛賴折中向日拔才空冀北如  
今高譽滿山東

皎皎青波滿四空疎林散影弄朦朧援毫欲賦陽臺夢振袂欣乘  
玉宇風已覺素秋來席上却疑仙景落壺中凌雲未許攀仙旌卧  
看冰輪沒漢東

一方明月落長空萬里餘輝鍊玉攏蟬韻啾啾來遠木槐雲裊  
弄清風共邀載酒陶彭澤走訪談經戴侍中景物蕭然無限思觀  
粧應許過墻東

泮宮深閉絳帷空遙想佳人照綺櫳閑倚畫屏憐永夜懶採紈扇  
引涼風直疑令史歸天上猶想陽臺入夢中展轉覺來無一事日  
搖槐影桂窓東

同工曹至臨洛道中禾黍蔚然喜而有作呈朱令

甘雨初勻歲事時具造物本無私綠雲捲地薰風細翠浪翻天



曉露滋已見郊原漫漫馬預欣場圃積如坻從來令尹憂民切短  
句聊憑一解頤

方量收地次韻工曹王亞叟

朝廷度事備成康郡邑承風底事忙要使幅員無曠土始知冀北  
有留良踈狂似我徒勞耳術業如君時易量奔走幸容陪笑語每  
觀醉墨屢琳琅

杜無逸留別次韻三首

薰蒸和氣浹豐年羸老欣聞詔令宣疾惡如讎知勁節清言有味  
樂推賢却嫌松菊荒三徑故乞絲綸下九天款識邦人思厚德西  
郊草木亦依然

汪：萬頃浸清波千里旁漸惠澤多化比宋均方渡虎瑞同黃霸

自生禾盤根治劇觀游刃破胆投姦去宿病已有誰吟喧井邑更  
傳佳句似陰何

一官塞北似飄蓬邂逅威嚴霽弱翁它日若陪林下客亦能把釣  
待秋風

無逸用前韻見謝復次韻

藉：聲名自妙年優：惠化詠未宣寧誇衣錦先前牒便擬揮金  
繼昔賢秀句屢同歌白雪高標猶幸視青天自慙不得陪騶御空  
想餘風向凜然

一麾柳復散餘波才比淮陰益辦多千里宣威胆夏日三年種德  
欽秋禾如綸忽聽頌新渥勿藥還欣已舊病却恐九重恩治行蒲  
輪它日竟如何



鵬飛初不礙蓬蒿自擬歸休慕仲翁况有仙姿標洞府冷然禦寇已乘風

和鮑守次韻林德祖十四首

南宮三日仕非輕湖海歸來一草亭譽襲芝蘭方冉冉節高松柏獨青仁風已播表宏扇素向行須毛珎屏豈待暮年歸報政人占此地有台星

莊周蝴蝶夢魂輕盤谷家山有舊亭下筆未能工媿白折腰何敢望紆青無幾日空彈鋏誤墨他年點畫屏寤寐草元繩戶閉猶堪歸伴少微星

五月黃塵去傳輕褰裳幾處宿郵亭共知向日輸心赤公詩有報國身輕之句莫歎微霜點鬢青公詩有白頭之歎每倚重霄求寶劍欲令新木作枯屏淮南

子不逢仁惟此日  
幽谷之水為枯木流傳賸有風騷句遙想群公若會星

恩分千里賞猶輕好達精思李栢亭日映冰壺融皎潔風臨玉樹發葱青高名競慕蒲葵扇推操寧施刻鏤屏夢得惠連春草句虛傳李白是金星

氣蓋千人一羽輕九霄丹鶴吸華亭姓名已入金甌覆留滯休嗟銀印青彩筆揆天摘麗藻高標挿地見長屏鹽梅他日從人望商說何功比列星

聖代勤民豈外輕声名今已播邊亭風搖鈴閣終晨靜雨鏤棠陰滿地青賜表殊功且冕服榮分從吏亦緹屏如公學問留閩郡東驛何人應二星

十年塵土坐才輕五斗猶堪佐縣亭鼎貴敢歌新綬紫固窮唯有



舊種青已甘終作輪囷木未忍翻同屈曲屏猶喜鷹門被容接常  
瞻即位蔚然星

銀鈎落紙彩毫輕醉寫新詩入禁亭學擅儒宗窮壺奧文槁墨妙  
炳丹青親承零露如金掌衣蔽衝風似寶屏雅意未須嗟出守甯  
衣方念庶民星

九萬鵬程舉馱輕蚤年高譽滿江亭曾分蘭省趨墀赤行從荷藁  
拜瑣青雅度最宜錫玉佩清忠不用綠沉屏款合行部襜帷去要  
使人爭識景星

久嗟留滯壓叢輕桃李無言向野亭展驥始應流行赤登龍早見  
出藍青三餘共對賢人酒四野欣瞻別駕屏何日蒲輪趨台節便  
省兩、映魁星

半刺同流寄未輕勤勞每舍離鄉亭高懷不羨貂蟬貴麗句還酬  
玉案青字買千金休擇筆才兼三絕好書屏獨慙後學波瀾狹明  
月舒空映小星

淮陰當日少年輕官舍渾如寄旅亭十載淒涼甘組練三冬諷誦  
伴燈青才非徐孺慙懸榻詣異陳成意觸屏独幸親逢陶謝手每  
觀一字並華星

佐縣三年敢意輕掾曹還許暫平亭齒延屢醉爭扶白嗣響非工  
愧取青自此浮鷗容海浪幸同馴鹿傍車屏從今已恐終更去悵  
望參商是別星

使軺問俗畫輪輕五馬張筵駐驛亭他日恩榮封詔紫佇看蹇謬  
伏蒲青才能並賜龍文劍勲業同分雲母屏太史已書賢者聚苗



陳此地仰華星

沈和仲過鄂鮑  
欽止固留飲宴

七月二十五日登舟

暫來征騎出關關却掉扁舟下小津  
颯、西風如送客蕭、晚雨  
欲留人一年蹤跡無停日千里  
羈遊又遠親為問篙師從此去  
定知幾日到東秦

野宿

沂水秋風揚小棹穿林落日繫孤舟  
心清乍喜離鷺倍野曠譏疑  
動旅愁歸鴈高飛雲杳、幽虫  
夜話少悠、此間景物君知否  
郎是瀟湘一片秋

晚發

理棹頻看潞水分岸移不覺轉孤村  
漁翁醉卧灘沙穩樵子行歌

中樹昏白鷺成行低款落清蟬無  
數斷還聞須將野色并秋色都  
付詩魂與醉魂

過溧次衡元度韻

山雲漠、水溟、千里擘舟似葉輕  
乍喜晚光偏照耀却嫌秋色  
太分明疑人鷗鳥首未熟  
婦容荷花望處平佳景直須乘興入  
菘催風伯送吾行

再阻風吹衡元度韻

阻風三日不舂糧浪逆篙橫未到  
在碧水賴知饒夜月青山已復  
下殘陽每吟秋興空多淚欲賦  
西征細作行、止定非臧氏力艱  
難險阻自須嘗

次韻烹茶四首



移種疑從紫府仙，世間凡少護羊眠。味高石蜜甘居下，效捷靈芝愧在前。王鞞並標官焙印，月團猶帶御爐烟。年來海宇皆知愧，却

笑神農未解煎。劉夢得茶歌云：帝雖嘗未解煎。

吏隱從人號爛仙，一甌常及日高眠。要令萬卷洗留次，便覺三山到眼前。客至不須樽有酒，家貧肯厭笑無煙。清泉近在南山麓，珍

味殊勝渭水煎。白樂天有渭水煎，未始覺珍之句。

不但蠲煩起醉仙，能令古莽失多眠。見列子。春風乍拂千巖上，曉雨

初霑百步前。絳綬囊包紫壁，杜牧之詩：牙香紫壁裁。玉塵凝盞照清煙。李郭

玉碧煎出。照碧霞。今人喚點前人拙，未肯須依古法煎。徐鉉詩：任道詩新，物須依古法煎。

仰望羣公若會仙，貪論茗飲未安眠。冥搜徃、遊塵外，得句時、

在枕前。夜漏謳吟清徹骨，晴窓揮染淨無烟。中秋風月佳辰近，應

把雲腴對竹煎。李衛公詩：孤吟對竹煎。

槐堂二首

懸勲當日植文槐，志在經綸世豈知。古栢空傳武侯廟，甘棠爭誦召公詩。頽簷共惜成陳迹，厦屋初欣啟舊規。豈但一時追盛事，高名從此看隄垂。

鬱、庭柯已百年，相傳勿翦豈徒然。曾棲鳧鳳枝，條葉直倚雲霄。雨露偏彩制，乍驚增昔高宗廟諱。佳名還喜契台躔，故知異日思遺愛。爭指新堂說二賢。

李良寵示牡丹長句，謹賦三首

一見奇葩潑眼明，兩州風物寄年新。十家京洛供長日，萬朵東秦照暮春。諦視尚疑傾國女，醉吟猶付謫仙人。定知不是無情物，為



有真香暗度頻

僕家近洛陽而  
嘗官青社故云

紫檀刻葉香初吐紅粉勻葩色正新孤艷最宜微帶雨衆芳誰復  
攔百匝未為頻

如酥小雨壓芳塵曲檻重來花更新莫怪東風鍾共美獨將仙種  
殿餘春愧非阿母池邊客喜見陽臺夢裏人猶恨此生輸蛺蝶偷  
香抱藥往來頻

題毛彥謨容膝軒

意未踈歸來端為憶吾廬縱談袞：皆忘倦豪氣飄：尚  
不除賴有一經如長孺休嫌四壁似相如小窓宴坐無餘事門外  
頻聽長者車

次毛彥謨韻

平生貴異不謀身率道恂：范伯孫巷有青衿未問道家無赤脚  
可磨門抗章魯叩蒼龍閣謹議終開白獸鑄見說晚聞多妙教悠  
悠浮世更堪論

南溪會集

傳聞公退集群英共惜殘春到野亭高柳半天成翠幄送客揮地  
作長屏應憐曠寂翫塵絕更覺蕭疎梅象冷願我阻陪車馬客空  
吟河畔小青

淡蕩春溪帶晚城勝遊此地總蘭亭風搖波面瑠璃簾雨洗山光  
翡翠屏舉酒莫辭歸酌酌垂綸聊復向清冷會須踏月重追賞要  
看林煙共罩青



次韻任伯仲均父詩和唐英之什

數子聲華久絕塵更將詩律闡清新  
爛如曉日鋪紅錦穆若薰風泛綠蘋  
王謝由來多大手誦任伯仲詩何劉那得比斯人均父語均從今海內  
流傳偏在處常應護鬼神

九日次韻邢子友

側身西望涕霑翰黃菊丹萸又滿欄  
徧插定應憐我遠從遊誰復盡親歡  
年過騎省悲秋易貧似司空乞酒難  
何日故園鳴鳳侶醉歸松竹挂衣冠  
司空圖九日詩黃菊新開乞酒難孟浩然詩烟紅鋪藻翰松竹挂衣冠

贈毛彥謨二首

相逢晚歲莫情疎往欲連塙卜並居  
若學羨君詩有味固窮憐我食無餘  
從容杯酒頻揮塵斗數塵埃喜振裾  
問道談言過輔嗣故

應回首萬浮虛

歎息朝廷記憶疎未聞平子賦閑居  
窮經豈但論糟粕樂道寧能逐腐餘  
已覺烟霞親几杖不教塵土紆簪裾  
客來強起談名理窮寞茅齋尽日虛

馬上作

心逐輕波去身隨匹馬歸  
拋鞍揮淚尽回首一依

夢覺

日永不可過夜涼愁更多  
蟬聲明曉月孤枕夢如何

思家

一別遽如許歸期可奈何  
無心惡明月有淚寄流波

七月十一夜涼風驟至即事書懷三絕句



涼颺此夕何佳哉萬里未炎去不來吹入離人多少恨却將魂夢  
到陽臺

蕭：初覓澹雲輕颺，如聞轉樹去收拾光輝潭在眼應知騎省  
賦初成

意外時聞一葉落槐陰驚起幾蟬鳴秋風定是多情物解作離腸  
欲斷聲

七月十六夜對月

雲捲天高鳥鵲飛滿庭槐影轉風枝可憐秋色誰分付正是安仁  
作賦詩

牡丹三首

侍中宅畔千餘朵吳慶池邊四五枝何似城南王處士滿園無數

闕新竒

無奈狂風日、催東君款去復徘徊綠叢卉羞相並故遣妖姿  
最後開

半醉西施暈曉粧天香一夜染衣裳躊躇欲盡無窮意筆法誰人  
總趙昌

聞有遊蔡氏園看牡丹詩戲作一絕呈季長

車騎雍容駐道傍小園尋勝見花王應知異日傳佳句處、人稱  
黃四娘

海棠二首 清明後一日

恰：清明昨夜過海棠幽独占春多杜陵不是無心賦才薄難工  
奈若何



欲識東君用意工故將殘葉襯輕紅可憐雨洗胭脂濕只怕風吹  
翠帳空

頌

擬請西封頌

肇自古初倥侗顛蒙上下靡記義農已降載籍所傳德莫盛於五  
帝功莫盛於三王然皆封岱勒崇檢玉渥金用能垂光于無窮遠  
至後世如漢與唐治未洽於羣黎事已追於八九蓋未有符應昭  
明而罔舉升中之典者也恭惟

皇帝陛下席累葉之丕基紹放唐之逸迹負宸垂衣焦勞萬國于  
今十有四年矣犁紀綱於既全興典章於已墜五禮明而八音諧  
四民安而九刑措和氣充塞于海表惠澤漸濡于鬼區豐年協多

稼之祥重譯盡鄉風之俗靈芝嘉禾文石析木之異甘露醴泉景  
星翔鶴之應紛紜雜選史不絕書若乃神禹錫圭以告成王上帝  
歆德而來格則又非譜牒之所紀已昔周有素雉朱鳥黑秬黃鷲  
之事漢有白麟赤鴈芝房寶鼎之歌猶能薦之皇天以為元命校  
之二端向其禍歎間者近自留都東抵魯國西決汾隄扶老携幼  
衆以萬計奔走闕下願講上儀章却而復上者屢矣 皇帝方將  
儲神穆清守德謙固闕然數月未有俞音意殆與所聞異乎於是  
三事大夫僉言而進曰

陛下德臣五帝功君三王是宜建崇號施鴻名為萬世無疆之休  
茲事體大允其懿哉矧天地之錫美垂鴻以積祐于我  
宋者不可以不答



祖宗之垂統繼業以致治于今日者不可以不承乎

陛下雖欲辭之又可得邪

皇帝乃瞿然改容沛然下詔曰惟天地祖宗所以伸昇余者余其敢怠有司其恭詳、符故事具注其儀朕將覽焉臣幸生斯時竊伏惟在昔太史公自恨留滯不得從事于漢家之封司馬相如且死尚能遺書道封禪事臣雖固陋久陶太平之化不勝愧、盡忠之羨謹再拜稽手而獻頌曰

於昭有宋受命于天聖子神孫爪夙繇、規重矩疊于億万年天錫皇帝聰明文武繼志揚功內登碩輔乃飭乃脩舊章具舉禮樂備興彝倫攸叙豐年穰、零露漙、嘉瑞紛紜披圖按譜應期紹至如携如取瞻彼珍符匪阻匪壁非常之既驗于載籍昔者帝堯

四隩既宅經啟九道繼禹之績地平天成元吉是錫茫、千世罔有弗歛焉輿南駕以即于南精禋昭格上帝是歆駕龍伏虎來享來臨旂旒颺舉見冠衿凡在此列踊躍蹈舞和氣洋、外風萬寓余曰休哉天意可觀名臣顯位咸優我后幅員西東請命奔走黃冠緇衣髻童給使填衢載涂春糧裹糗顛舉曠儀以垂不朽皇帝曰嘻咨汝多士予臨有邦于有西祀夙夜靡寧迄底于是兢兢業、罔或遺墜封禪告成盛德之事願惟德薄粵其敢讓臣拜稽首荐貢封章追述八九前後相望

皇、我宋于古有先天命匪懈聿其可忘帝曰俞哉迪惟累聖錫祐垂鴻受天明命予敢弗從以為民慶乃詔有司錯事展采祥符之儀典冊其在春是高高西狩靡逮儲精蓄靈意若有待令予祇



事其始于邁廢言既同群公動色歷日協辰以詔萬國  
表

擬請東封表

伏以承天之序孰先報本之方治世之隆必舉升中之禮蓋不特  
發祥隕祉流福祚於無窮亦所以勒崇垂鴻示休烈於不朽皇  
哉天下之壯觀洋洋乎帝者之上儀遐規古初歷選后辟固有無  
功而用事未聞至治而遺章粵我宋之龍興憲先靈而遠駕  
太宗順命以創制尚摯三神之歡真皇脩德以錫符獨接千歲  
之統重熙累洽用迄于今承明維成宜若有待其惟秉執聖德處  
于法宮之中圖任賢才游於巖廊之上崇寬大而長和睦務教化  
而省禁防四鄙晏安靡有兵革之事萬民和樂長無繇役之勞脩

禮樂以文太平廣學校以揚俊異外致殊俗內暢淳風圓囿空虛  
國無一人之欲衣食滋殖家有九年之儲澤浸昆蟲息及行葦頌  
嘉並作協氣橫流三光全而寒暑平上順泰階之政五穀熟而草  
木茂下均庶物之休垂拱無為衆祥自至精神所鄉嘉貺存臻百  
川理而終脉通萬化成而瑞應著素雉朱鳥之事比盛周家白麟  
赤鴈之歌參華漢室是以東土耆老魯國諸生莫瞻穆之之光咸  
罄顯之之望况承天意以從事固無進越之嫌儻垂聖慮于勒成  
允荅神靈之眷伏望皇帝陛下總集元命順攷前規採游童之  
歡謠悉五繇之碩慮鳴鳶按鐸長樂介丘檢玉涖金儲休休歡追  
八九之遙迤章祖宗之盛功為萬世無疆之休寔千載一時之  
會臣等不勝大願



擬代宰相已下賀籍田禮成表

治朝多慶照事告成盛德先勞庶邦喬慶况于在服罔不均歡貴  
竊以富國之源莫先于崇本導民之路尤重于勸農然款風流而  
令行固非家至而人悅蓋上之化下也如風之偃中則下之從上  
也若響之應鼓迺于東作之時示以躬耕之制非特昭國家之德  
化納于純熙將以奉宗廟之采盛盡其齊恪惟周自厲王以後廢  
而不修故傳載輔公之言詳而有證降及後世間有令止屈萬乘于  
須臾垂四方之軌則載在信史猶振遺名肆 太宗端拱之初增  
華於令典逮 仁祖明道之際順迪於前彛用知稼穡之艱維終  
致倉廩之盈溢恭惟 皇帝陛下濶飭高宗至御諱粉澤皇猷省繇後  
以便民教農桑之上務罔遊于逸配德於唐克克勤于邦同符於

夏禹申舊章而下明詔歷吉日而協靈辰翠幕青壇既舉先農之  
制緝轅黛報遂遵一撥之規誠意所加溥風遠暨去末作而緣南  
亟致和氣而召豐年臣并獲級近班親陪盛事草籍田之賦雖無  
潘岳之才廢載芟之詩蓋見周家之治其如欣頌是異等倫

代余帥賀 南郊禮畢表

修精誠而備虔物既嚴享帝之容受福祐以浸黎民遂沛自天之  
澤華夷共慶中木增榮中賀恭惟 皇帝陛下孝弟通於神明廣  
大同乎覆載頌嘏並作協氣橫流式講上儀聿修元祀欽翼祗栗  
內昭一德之誠矜饗豐隆上格三靈之既載款渙彌大賚縣區臣  
夙奉宸恩屬分蕩服莫預駸奔之列空同率舞之情

代余帥賀冊 皇后表



禮成宮闈慶決寰區中賀竊以闕睢為王化之基騶虞美人倫之  
正自非懿德孰贊皇圖恭惟 皇帝陛下道冠百王功符五帝受  
祖宗之賡命得夷夏之歡心調陰陽而和群生既叶太平之治奉  
神靈而理萬物益資內助之賢日月增華天地順應臣生逢熙運  
獲睹盛儀難馳魏闕之心莫預彤庭之賀

代都憲賀冊 皇后表

天作之合方隆治世之基王假有家爰止柔儀之位歡聲所暨率  
土攸均中賀竊以太妃配周寔肇多男之慶塗山翼夏允符受命  
之祥自昔明王必求懿德非特以奉神靈之貺蓋將以輔天地之  
貞恭惟 皇帝殿下齊家以身治國以禮宣教化以親萬姓既資  
外輔之良擇令淑以統六宮載舉內朝之政徽音寔嗣象服以宣

臣 幸遇熙朝獲瞻盛禮遠持千使鄙莫預慶於明庭唯與群生永  
陶大化

代沈和仲賀冊 皇太子禮畢表

歷日協辰載嚴寶冊承天貳體肇建東儲恩洽無垠慶文有載中  
賀竊以作瑤山之樂式昭治世之功題銀榜之宮爰止長男之位  
豈特繫國家之本蓋將守宗廟之嚴彰哉甚盛之儀允矣難逢之  
會遠稽前志同夏啟周誦之美為近攷彌文著至道天禧之故事  
恭惟 皇帝陛下受三靈之眷命贊列聖之丕圖縣從流祥倚蘭  
襲慶欲達不拔之策以展無窮之勲帝座分暉順前星之軌道天  
地決潤增少海之波瀾偉茲公器之尊介尔重禹之吉用敷渙彌  
大賚寰區臣夙奉宸恩出將使指卜年有永益瞻周室之隆獻壽



無疆莫預漢庭之列傾葵竊頌舞歌同歡

代沈和仲賀 皇太子受冊表

位隆蒼震茂膺主器之良德配黃離允協重明之吉車書所暨鼓  
舞惟均恭惟 皇太子殿下岐嶷挺資溫文秉質冠天枝而毓秀  
分璿璣以騰輝辨書牘之姦

既

協靈辰聿陳射禮載隆國棟肇正皇儲出龍樓而入虎闈仰日躋  
之盛德鋪金去而光玉潤昭天縱之多能固將兼三善於姬文豈  
特陳五學於賈誼某幸遇嘉會久玷明恩徒瞻鶴禁之嚴莫遂鳧  
趨之願永言善頌實倍常情

擬代宰相以下賀朱草表

協氣旁流紛若萬靈之貺穎並叢出翹然百草之精見聞所周欣

躍惟一中賀自昔太平之世必膺可致之祥金芝秀而嘉禾興紫  
脫華而倭枝植並標鉅美用詔殊休若乃朱英之效靈尤為植物  
之罕見並效前賢之對調至和上獵于陰陽載披往謀之言蓋盛  
德下漸于中木誕彰不應宜在明時恭惟 皇帝陛下統攝群元  
紹休聖緒維葉滋：既崇行葦之仁零露穰：咸被蓼蕭之澤烟  
彼染絳之異昭茲炎火之珍葉開落以應期遠同土堦之瑞枝扶  
踈而共幹近此水陸之生豈惟大太史之書方且第從臣之頌臣  
親逢華旦預覩嘉祥黃閣調元莫補棟梁之用丹青拱北徒傾葵  
藿之忠

代周文翰賀河清表

眷主有臨存膺景福榮河薦瑞式契休辰事掩前聞慶交寰宇



賀臣聞百神受職者聖王之事五行布序者治道之隆惟茲四瀆  
之尊寔處百川之首况大河之為害迺上世之所同今衆水以納  
汙激洪濤而引濁隄防弭患每泛溢之為虞牲粢祈禳豈澄清而  
可俟惟聖神之在上直天地之垂恩屢效珍符無逾今日恭惟  
皇帝陛下克仁舜智乾覆坤容治已格于神明祥自開于川瀆大  
水既安于故道濁流還變于澄瀾實聖德之所臻非人力之可致  
詞臣歸美極賦頌之揄揚太史屢書增簡編之煒燁臣叨居外服  
久荷殊恩阻獻壽于未央第存心於魏闕

代沈和仲賀永橋成表

巨浸天開帶三山而中断飛梁虹指奠萬世以彌堅凡屬照臨率  
同并躍中賀竊以水寔五行之本河為四瀆之宗濫觴鳧菴疏壤

積石灌注乎中國之半胎回乎清漢之高懸極禹興施成功于三  
代周移秦決亡故道之八支自時以來貽患如彼捷石留以禦水  
空傳瓠子之歌下行落以成隄僅塞館陶之口曾安流之莫覲豈  
長慮之敢知國家柔河嶽之神畫溝洫之力聖人興而圖書出五  
道修而洛脉通榮光朝浮澄瀾夕變造舟霜降之後既濟于往來  
鼓楫兩集之時尚虞于覆溺矧朔方之孔道當信使之交馳繫人  
謀之與能信天時之無事曼圖上策允屬熙朝共惟 皇帝陛下  
神智獨觀大明奇照稽先猷而繼志攬初議以析中萬鍾子來霽  
雲蒸而雷動夔川股引森谷轉而山頽壑陵阜以初分回波濤於  
久塞不憇于素惟斷乃成架鼉鼉而上躋巨蟠龍而橫批凌修塗  
于燈道微一葦之後艮鎮寶勢于坤靈宜百神之未護慶交有截



利及無疆 臣夙荷朝恩外將使指遠長安之日阻瞻望于餘光廢時邁之詩敢形容于盛德

擬代宰相以下謝賜郊祀慶成詩表

精意潛通上格神靈之既英詞俯逮遠追雅頌之聲拜命生輝循躬知愧中謝竊以禮奠嚴于享帝孝莫大于配天三歲親祠遵百王之盛典諸侯助祭

恭惟 皇帝陛下酌道德之

淵源游文章之林府修精神而備庶物祇見郊禋受福祐以浸黎民大敷渙蹕春群工之成在嘉盛德之既陳適求厥寧念前王之垂統監觀于下荷上帝之遺休用示淵表載頌麗藻俾彼形容之妙煥然經緯之文玉振金聲言自譜於韶濩星輝月潤衆咸仰其光明且等叨備近司獲陪元祀奏甘泉之賦雖無靡麗之辭歌成

命之詩已見緝熙之治豈期宸眷申錫雲章歸說為榮共喜堯言之布衣歌無數益知舜孝之隆

擬謝賜大晟府樂記并古鐘頌表

作樂崇德遠追三代之音肆筆成書下陋百王之制載頌宸翰申飭使人俾預獲于榮觀用仰宣於睿旨中謝竊以自昔承平之治必頌雅頌之聲將易倍而移風故審音而知政逮周秦散亡之後蓋歷世以無聞繇祖宗而積累以來至今日而後備恭惟 皇帝陛下道由天縱粵本生知生與不世之功獨運無方之智以身為度靡容高下之差用律和聲遂協始終之序陰陽並應日月增輝迨茲千載之傳自我一王之法爰即清閑之燕浚明述作之源煥若丹青俾同雲漢閔侈鉅衍不特為靡麗之辭爰潤溫純將以追



典謨之訓豈期綏賚弗聞孱愚此蓋伏遇 皇帝陛下盛德及人  
至仁與下寵夫近弼錫以英詞拜命鞠躬隱若咸池之奏開絨爛  
目恍同廣樂之歆

代周文翰謝賜大晟樂表

象成作樂用錫予于慶邦規德鄉方將訓齊于多士事高往謀慶  
溢縣區中謝臣聞故藝于是寔前王之盛典習舞于季亦治世之  
宏規故舜作樂以賜諸侯而周設官以教國子庶使遐遐之倍習  
知道義之煇恭惟 皇帝陛下盛德雉名豐功莫擬闢土疆于万  
里播声教于百蛮用律和声究六經之妙旨以身為度考三代之  
遺音孰窺述作之端曲盡情文之善乃分頒於侯服俾肄習于  
儒宮教上國之工師訓多方之俊造欽承嘉惠聳耀衆觀將易

代鮑欽止謝永橋成德音表

借以移風因審音而知政 臣敢不布宣德意教厲邦人損益更張  
予以識聖神之治鏗鐸奏非徒為歌舞之容

河定民安巨飛虹之千丈德容息普頌涇鳳于三方嘉以群生同  
茲大慶中謝竊以被山通道灑二渠以分流造舟為梁跨三峰而  
作趾啓長塗之無壅省經費之不貲蓋歷世睥睨而固知唯神者  
經營而未暇載圖盛業宜厲昌辰恭惟 皇帝陛下遠迹禹功盡  
循堯道聖志先定金謀允諧河父由于地中水方趨于瀾下飛芻  
穀擊笑漢武之負薪舉甬肩摩樂周文之為沼傷功不日慮事無  
德昭然大任之故縱宛若中渾之壯勢万世永賴生現千載之清  
四方攸同本自一人之慶尚念子來之衆咸繫強至之勤蠲賦錄



勞堅諫宥過置郵星下率土萬呼臣早辱眷恩恭承渙號屬村簿  
領遠分竹使之符願採民謠繼上河平之頌

代謝翰林院三伏早出表

陽居大夏欣化日之舒長伏當蚤歸遂清時之逸樂戴恩甚寵視  
陰增羞中謝伏念臣猥以霧虛列于禁路論思獻納空懷待旦之  
誠偃仰棲遲但惜分陰之逝豈繫晏罷亟俾處休此蓋伏遇 皇  
帝陛下昧爽臨朝光華撫運務厚使臣之禮特惟恕已之慈終夜  
以思尚無忘于舊學盡辰而退敢自比於前修

代余帥謝傳宣撫問表

使節光華遠臨外服訓詞溫厚俯逮微軀中謝伏念臣蚤以愚朽  
之才獲蒙尊顯之位入參机政初之異能出撫藩條靡聞善狀方

謹訶之是懼豈思寵之誤加蓋伏遇 皇帝陛下陽德克寬克仁  
博施憐其簪履之舊不以遐遺錫以綸悖之言用申眷 旨隆天  
重地未知報國之方就日望雲空懷存闕之念

又

聖恩隆厚不忘疏逖之臣天語溫純特示眷存之意中謝伏念  
蚤繇幸會獲遇休明荐誤宸知擢忝机政去國未久每懷報主之  
志奉職無聞空有愛民之志方期擯斥敢意思憐此蓋 皇帝陛  
下盛德包荒至仁念舊同天地以覆載配日月以照臨申飭使人  
就宣詔旨鴻私所被銘骨知榮縣力易疲殞身何及

代梁師謝獎諭表

將命朔方曾乏滄埃之效疏恩中禁誤蒙綸綍之頒載德無窮省



躬知愧中謝臣智能甚薄政治茂聞頃奉宸恩出膺使事多捐厚幣廣集瓌材藉外府之贏餘佐上都之營繕預職分之當尔豈勞能之可稱敢冀眷慈俯頌溫詔寵甚兼全之賜褒逾華采之榮此蓋皇帝陛下御衆克寬用人以禮務記功而忘過每勸善以使能凡少著於微勞必曲形於獎訓臣敢不益堅素節增激懦衷十襲环藏莫稱恩私之異一心盡瘁益思報效之勤

代少尹謝獄空獎諭表

佐天府之浩穰初之微勞奉聖書之溫純遠叨春渥中謝伏念臣性資選爽學術迂踈誤辱簡知存更器使區：自效慙竊位以素食新：無能但因人而成事方唐虞推好生之治而趙張著良吏之稱務教化而省禁防人自重于犯法行寬大而禁苛暴物不隔

于無辜豈特囹圄之空虛固已奸邪之銷釋在于蕞迹蔑有稱焉敢謂至仁亦蒙善獎恩重丘山之賜褒逾黼黻之榮郭屋生輝汗顏有覩此蓋伏遇 皇帝陛下區邇忘過錄善使能視民如傷款遂措于刑罰班賞無違俾咸勸于事功苟少效于涓埃必曲形於綸綍且不敢仰遵聖訓俯激愚衷勉以一心庶盡公家之利藏之十襲永為私室之珍

代辭免尚書左丞表

學微術昧居懷不稱之羞德厚恩深載奉非常之選輒輸誠懇存瀆明威竊以地重中臺二丞實乃統管轄道尊元首庶政咸賴於股肱矧上聖之端臨俾下民之底乂宅乃事而宅乃牧率而衆俊之齒簡厥身而簡厥良克懋群工之叙必具瞻之攸屬豈積久以



致升伏念 臣名在闕冗之中身遭明盛之世當陳力就列極懷翼  
翼之心幸疏舉廣謀爰納斷之介碩易窮之末技終莫望於清  
光曠日累年曾莫施於片善循名覈實敢復冒於次遷伏望  
皇帝陛下緝以庶言包之大度深察顧天之懇收還渙汗之私勸  
百僚而顯有光功肆時治於在位展四體而率舊職尚勉及于前  
脩如此則國無誤寵之尤豈特于臣免貪榮之謗

代尚書左丞謝表

中臺貳政微勞弗效于明時左轄面賢誤選乃容于充位莫遂固  
辭之懇矧增非極之慙中謝竊以漢置四丞實佐令僕之事唐分  
六部尤嚴紀綱之司然而進靡預于君國均故其任止專於樞憲  
粵惟神考稽古治官肇新二府之聯允協八元之舉蓋將偕衡旦

臯夔之密勿豈特同蕭曹丙魏之謀謨凡膺眷注之隆必傾衆望  
矧在褒升之典豈曰以遷伏念 臣學不足以窮六藝之文職不足  
以通萬方之路驟蒙異渥拔自稠人叨居侍從之流間嘗論天下  
之大利玷處承弼之重每款報人主之至恩屬上聖之日躋方群  
賢之星拱裁成輔相天且弗違省節蠲除民用丕變醇法熙豐之  
治崇起教化之功維淺智福能豈測神心之經緯而比善戮力粗  
知休命之對揚存履歲月之淹居積淵冰之懼免於罪戾已推全  
度之仁奉以周旋曷副疇咨之意此蓋伏遇 皇帝陛下廣覽兼  
聽而盡百工之美俞受敷施而致庶績之疑平章以堯帝之聰明  
左右以文王之陟終降謂灼知厥若孰先已試之求故申命用休  
蓋懋同寅之助肆令朽質猥被寵光 臣敢不激昂千載之期罄竭



万分之補宣中庸之常政俾延及于群生詠太平之清風與有辭  
於永世乃所願也非曰能之

代都憲謝淮南運使表

備員無補已負殊恩錫命過優復叨副任揆材弗稱省分知榮中  
謝伏念臣家世寒微性資選懦蚤繇射策濫綴官聯幸遇時明存  
鷹罟使未有涓埃之效自投鈇鉞之誅犬馬微生分已甘于永棄  
乾坤普施恩猶許其自新俾脫刑書復將使指孤忠自擔難盡瘁  
以首公餘力易疲空懷憂而內抱方將弓歸於農亟屢絕獲終于  
天年豈意暮暮尚加東掖况茲惟旬寔迹王畿顧轉漕皆通無一  
粒之不運致兵民咸足有九年之所儲在於臣愚何以堪此蓋伏  
遇 皇帝陛下廣日月之照推父母之慈勞於求賢靡擇行能之

脩醲于用賞不忘哀朽之餘 臣敢不祇奉詔條勉循職守雲天在  
望常懷存闕之心溝壑未填敢後報君之美

代尚書左丞謝轉官表

檢方職

折衝歷難曾微可紀之功令爵策勲忽冒踰涯之寵遂巡罔極踞  
踏增羞中謝伏念臣族系卑平性資選更少而好學但勤糟粕之  
餘長則倦遊靡識經綸之旨徒以遭休明之盛世委賤陋之薄軀  
浸蒙特達之知獵掘俊賢之序規事建議無補於萬分懷誠秉忠  
粗堅于一鄙久負空餐之愧敢希苟得之榮屬茲狂童干我大戮  
方整貔貅之旅遂空蛇豕之群豈唯被草木以宣威固已包干戈  
而偃武蓋聖神默運獨覩乎万化之源而將相協謀決勝乎千里  
之外在于蕞迹莫有稱焉豈期慶賜之行亦預褒陞之列此蓋伏



遇 皇帝陛下齊天地之覆載配日月之照臨常公聽而並觀務  
稱物而平施謂朕分網轄維莫聰於兵謀然寄重挽衡寔與同于  
妙美放賞疑而從子將悅使以忘勞臣敢不仰體眷私俯殫夙夜  
會四海于一堂之上庶遵長治之規輔明主于三代之隆益屬同  
寅之美

代閻彥昇謝轉官表

省曹失職宜真嚴刑宸春包荒祇從貶秩驚魂未復涕泗橫流伏  
念臣遇事無通敏之能守已有專遇之累擢從冗散浸冒使令未  
聞毫髮之功徒積丘山之罪頃參民部存厯歲華適當異議之從  
妄意已成之令遂干並起款乘間以紛更雷同相從咸觀利而罔  
養臣以孑然之力忘其最近之軀引羨甚明竭忠靡避几章奏之

下二十有餘條至辯論之聖再三而後止獨是銜規之說迫於薄  
領之迷雖匪朋邪曾微糾正蓋愚既殫于千慮而智終昧于三思  
分其瀆毫之誅敢冀寬矜之典此蓋伏遇 皇帝陛下光宅天下  
丕冒海隅醜于用賞而約於用刑記人之功而忘人之過察臣區  
區自效非苟合以取容憐臣斯無它遽踈息而屈法仰戴乾坤  
之大益智月之明臣敢不深省前非愈堅素守拉朽磨鈍儻未效  
之可圖粉骨捐軀豈大恩之能報

代鮑欽止謝降官表

奉職不稱至有煩言明詔加恩統從貶秩捫心內訟顧影增羞伏  
念臣蚤誤宸知嘗蒙器使智謀淺短雖公爾忘私功效陵夷故動  
而得謗間由罪籍復齒郎曹假攝去來或暫司于銓綜捷拮姦冒



終有愧于詳明迨茲杖枚之餘猶負曠瘵之責分甘訶謹敢意寬  
矜此蓋 皇帝陛下大覆光天廣開湯網信賞必罰既潔濁而揚  
清布德施仁每赦過而宥罪曲憐寒蹇未忍弃捐自詭治民倘尚  
能於寡悔庶幾晚節粗論報于洪私斯言不渝沒齒無怨

代發運使謝賜金帶表

搃一方之轉漕方愧非宜錫三品之服章遽叨異數拜恩而接顧  
影增羞十謝伏念 臣性異良金家無全布佩韋以戒每師前哲之  
規束帶而朝曾乏當官之譽稍從冗散獲預使令推食解衣盡出  
聖神之眷傳龜襲紫非緣門戶之私常惧曠瘵敢述說謙豈意非  
常之寵驟加至陋之軀此蓋伏遇 皇帝陛下約束群才章明庶  
士寬以御衆故靡問于微勞賞以勸功遂申加于三錫得子衣之  
安吉增使臣之光華施厚身輕才微責重 臣敢不書紳自念歛衽  
知榮止其衣冠益謹不驕之誠剖是膏腹庶幾為善之言

代外任謝日曆表

君子治曆明時式謹正王之度太史守典奉法度遵月令之文乃  
錫新編用循故事中謝 臣聞順帝則者聖人之德授民事者王道  
之原堯咨羲和以釐百工舜用璣衡以齊七政皆推明于象數以  
召致于休祥恭惟 皇帝陛下睿智通於神明廣大同乎覆載風  
雨時若固無繆戾于陰陽舟車所通孰不奉承于正朔考天地四  
時之極會日月五星之辰著為成書頒之外服 臣敢不布宣于上  
德用以訓戒于邦人春斂秋耕重識務農之義夙興夜寐益存愛  
日之心



代謝生日禮物表

王綸載錫俯矜顧復之初臺餽有加曲示春秋之渥醜顏罔措感涕美勝中謝伏念臣奮迹孤年逢辰休顯修身謹行居懷欲報之心憂國忘家更屬可移之羨漫冒網維之選叅叅帷幄之謀雖淺智福能莫效三年之績而隆恩情施尚收一日之長遠茲生育之辰方抱劬勞之感豈圖異教存軫淵衷此蓋伏遇 皇帝陛下恕以及人醲于用賞未賜空瓊之責每垂推食之仁靡瞻靡依寧復甘旨之奉既醉既飽願彈夙夜之勤

又代謝生日禮物表

使華倏降仰奉明綸臺餽旅陳俯光初度祥嘉有覩攬涕美從中謝伏念臣生奮寒鄉出逢盛旦用過其量每虞覆餗之羞食浮于

人詎免代權之刺存冒持綱之寄居纏陟岵之悲移孝事君雖勉承于殊遇竭忠奉國曾莫效于遠謀敢期載育之辰猶軫至仁之念此蓋伏遇 皇帝陛下道均履載禮洽臣鄰常推善貸之心務滿屬獻之腹痛沒創鉅豈知食稻之甘德厚恩隆尚喜嘗羹之遺

又代謝生日禮物表

隆恩所逮增責初辰厚意是將肆頌異教拜嘉甚寵撫質奚堪中謝伏念臣族愧華腴才非秀穎夙悟身軀之樂晚叨縻餼之優父教之忠已後劬勞之報毋取其愛尚伸孝養之榮粵陪梳務之繁居閱歲陰之積罪固多矣方懷覆餗之虞德莫厚焉每喜嘗羹之遺

此蓋伏遇

皇帝陛下禮備養賢仁先育

物必申如于飲賜將諉責其遠謀馨爾饒而黎尔羞况仰承于錫



類醉以酒而能以德願俯鑒於屬獻

又代生日禮物表

閩史書時永念設孤之始饗官致飭欽承出綽之頒焜燿有加凌  
兢失措中謝伏念臣生而固陋少也賤貧扶策讀書雖靡同于學  
禮居官任職實皆本于教忠會逢上聖之臨超預衆賢之列陳謨  
無取空慙碌之稱守節不渝但識尊之之義敢意匪頒之典猶  
形慰藉之言此蓋伏遇 皇帝陛下覆育群生恩憐近躬禮厚千  
鍾之賜褒踰一字之榮祿弗逮親已負終天之恨身唯許國益堅  
曠日之誠

傅忠肅公文集卷上



正德